



Universitätsbibliothek Paderborn

Exemplorvm Libri Tres

Liber Primvs Siue Vis Et Virtvs Exemplorvm, Hoc est, Solatia Et Docvmenta
- Hæc Moribvs, Illa Temporibvs Nostris Adhibita

Stengel, Georg

Ingolstadii, Anno M.DC.L.

Caput XLII. Aliorum Adolescentium, Puerorumq[ue] ac Martyrum
constantia, hoc tempore imitanda.

[urn:nbn:de:hbz:466:1-48162](#)

Cap. XLI. Apueris viros posse fortitudinem in aduersis discere. 173

rum, aut Pbyrygum pueros. Porro Gracorum pueris, presertim Deo precidente, haud aliud congruebat, quam eruditio, & sermo, quae nactos meritè bonos efficiunt viros, & ciuitatum servatores. Illi igitur male usi sunt puerorum auribus: sicut & nostra haec ætas, qua pueri ante discunt vitia, quam sciant.

Quid ergo mirum, si hoc saeculo alioqui Martio, in multis bonis familijs tam pauci reperiuntur, qui non modò stultum esse arbitrantur, aliquid de martyrio cogitare, sed ne in campum quidem audent prodire, ut se se hostibus, pro patria, opponant dimicando: aut si prodiere, ad quemuis odorem suspicionemue hostis, pedem referunt; sicut cochlearæ sua cornua. Simeonem hi intueantur, vix natum, & jam cothurnis martyrum gradientem. Et haberemus utique etiam nos plures Simeones, si à teneris statim vnguiculis, exemplis melioribus, & non inter Amazonum cantilenas educarentur; neque illis mensis adhiberentur, quas spurci sermones condidunt, & impudicè iocantes stulti, moriosque cingunt. Hinc pauci Simeones, multi Simonides.

VII.

CAPVT XLII.

*Aliorum Adolescentium, Puerorumq; ac Martyrum
constantia, hoc tempore imitanda.*

ED E M cerà laudandus est infracti animi adolescens, quem in exemplum Eusebius proponit eo loco, quo diuinæ protectionis varia spectacula in hunc modum memorat. Quosdam, ait, ex illis in Palastina propter tormentorum per-
secutionem, clariusse scimus: alios Tyri Phœnicia magnam laudem colle-
gisse: quos quidem quis est, qui non supra modum miratus fuerit, cum
oculus cerneret innumerabiles plagas, dimicationem cum bestijs, inq; ea
pardorum, urrorum immmanium, aprorum agrestium, taurorum de-
nique igne, & ferro, adrabiem acriter incitatorum impetus, & exi-
miam generosorum martyrum contra chiusque bestie ictum toleranti-
am? quibus quidem rebus dum gerebantur, ipsi interfuius, dini-
namq; potentiam Servatoris nostri ipsiusq; Iesu Christi, cui illi in cru-
ciatu præclarum testimonium perhibebant, id temporis præsto Martyr-
ibus operi traxisse, & ouidenter se ipsam eis ostendisse aduertimus. Nam

I.

Euseb. lib. 8.
cap. 7.

X 3 bellua

bellue illarum rapaces, longo temporis spatio, neque sanctorum corpora astrictare, nec ad ea prope accedere audebant: sed in infideles, qui extra repagula, alius aliunde, incitatione quadam eis in Martyres infligabantur, impetu ferebantur. Et quamquam sancti Dei athleta nudi confitebant in medio, manibusq; eas provocabant, & insepertrahere conabantur, (hoc enim ut agerent, illis erat imperatum) illos tamen solos non omnino attigerunt: verum interdum dum in illos irruerant, tamquam diuiniore quadam vi ac virtute, fuerunt repulse & retro denudò quam mox resilierunt. Quod cum fieri cerneretur, non exiguam infidelibus spectantibus excitauit admirationem: usque adeò ut primā bestiā frustra incurstante, secundam, & tertiam in unum eundemq; Martyrem dimitterent.

II.

Interea non modo virilem, & intrepidam sanctorum illorum animi tolerantiam, sed firmam etiam atque inflexiblem in teneris corporibus constantiam, cum stupore quadam, mirari licuerat. Vidisse enim adolescentulum non viginti annos integros natum, nullis constrictum vinculis, firmè consenserem, manibus in cruncis modum è transuerso expansis, robusta, & excelsa mente in precibus ad Dei Numen fundendis attentissimè defixum, neque omnino se commouerentem, neq; in hanc vel illam partem, de loco, in quo steterat, deflectentem: idq; cum ursi & pardifurem, & mortem in eum exhalarent; cumq; eius carnem dentibus lacerare agredierentur. Quorum ora, diuinà quadam, & inexplicabili potentia, nescio quo pacto, fuere proprie obtura-
ta, & ipsi iterum retro properè recurrunt. Alios rursum cernere pos-
suisses, (omnes enim simul quinque erant) agresti & immani tau-
ro obiectos: qui nonnullos ex infidelibus propius aduentantes, cornibus
in aërem coniecit, eosq; discerpit miserè, & semiūnos in hominum ma-
nibus inde auferendos reliquit: Verum ad sanctos Martyres solos, dum
furore, & rabie exardescens in eos irrumpere conabatur, ne appropin-
quare quidem poterat: & tametsi pedibus, & cornibus huc illucq; vi-
bratis insultabat, & canteriorum incitamentis lacebat contra illos
terrorem spirabat, tamen retrogrado cursu diuinà sacri Numinis prou-
identia repulsa fuit usque eò, uti cum iste illos neuisquam lessisset, alias
bellas in eos immitterent. Ad extremum, post graues, & varias illa-
rum etiam incursiones, ense obrutus i fuere, & marinis fluctibus, se-
pulchrorum loco, mandati. Hæc Eusebius.

Ex

Ex quo duo documenta possunt in hæc tempora decipiari. Primum est, diuinum oculum utique videre suorum necessitates; neque eos deserere, etiam in mediâ belluarum caueâ, cum Danielie, constitutos. Quod vel Stoici viderunt, qui teste Saluiano, Deum gubernatoris vice, intra id quod regat, semper manere testantur. Quid potuerunt de affectu, & diligentia Dei rectius religiosus sentire, quam ut eum gubernatori similem esse dicerent? hoc utique intelligentes, quod sicut nautigans gubernator, numquam manum suam à gubernaculo, sic numquam penitus curam suam Deum tollit à mundo; ac sicut ille, & auras captans, & saxa vitans, & altra suspiciens totius sit simul tam corporis, quam cordis officio operi suo deditus; ita scilicet Deum nostrum ab uniuersitate omnium rerum, nec manu dignissima visiones auertere, nec regimen prouidentia sua tollere, nec indulgentiam benignissima pietatis auferre. Rugiunt leones, fremunt pardi, murmurant vrsi, fulminant apri, irruunt tauri; videt hæc omnia Deus, tamquam marinas belluas gubernator; & saepius eiusmodi pericula à capitibus nostris auertit, quam ipsi animaduertamus. Haud raro etiam hostibus hæc nostris in propriam perniciem refundit, vt suis insidijs pereant.

Quod si permittit iustos pati, aut corrigi reos, nec ibi quidem deest suâ bonitate, Saluatoris Dei erga humanum genus prouidentia, ait Euagrius, ante plagam inflictam, remedia parare, & gladium irâ sua clementiâ demulcere, & cum res in desperationem venient, sua misericordia quasi foras aperire solet. Itaque impie agunt, atque insipienter, qui ubi vident bellis omnia turbari, & susque deque verti, illico dicunt: *Solicitor, nullos esse putare Deos, aut, quod ferè perinde est, Non est Deus. Nam certe, vt ait S. Saluianus, incuriosus à quibusdam, & quasi negligens humanorum altuum Deus dicitur; utpote nec bonos custodiens, nec coercens malos: & ideo in hoc seculo bonos plerumq; miserios, malos beatos esse. Sanctos si Deus non curaret, ora leonum non obturaret. Sed & ipsi Sancti, quia Deum curant, hæc non curant, sciunt enim eum posse ista prohibere, si vellet, & si non velit, ad maius bonum permittere.* Egregiè Iacobus eremi incola, apud Theodoretum, cuius cum constantiam malus Alastor ferre non posset, Æthiopis nudi formâ accedens minitatus est, se eum virgâ percussurum. Hic Iacobus,

III.

Saluian lib. 8
de prouid.
Dei,

IV.

Euagr. Eccl.
hist. lib. 4.
cap. 6.

Ouid. 3.
Amor.
Pial. 13. 1.
S. Saluianus.
lib. 1. de gu-
bern. Dei.

Theodoreto.
hist. SS. PP.
vita 2. 1.

bus, Si tibi, inquit, permisum à Deo est uniuersorum, percutere, & plangam lubenter accipiam, ut qui ab illo feriar. Sed si non sit tibi permisum, non percuties, licet millies insanias. Hac tam generosa respon-

sione eacodæmonem ipse percussit, & fugauit. Ita censuisse vi-

detur etiam adolescentulus ille, qui nondum viginti annos natus,

Euseb. lib. 8. cap. 7. cit. nullis constrictus vinculis firmiter constitit, manibus in crucis modum

è transverso expansis, robustâ & excelsâ mente in precibus ad Dei Nu-

men fundendis attentissimè defixus, neque omnino se commouens, vr-

fos & pardos sustinens irruentes. Fortior enim erat omni bel-

luâ, qui prouidentiâ Dei nitebatur.

V.

Atque hoc est alterum documentum, ut cerea alioquin ætas
nos doceat, esse fortes. Omnem olim Philosophiam Epictetus
duobus verbis est complexus, dum sustinere jussit, & abstineret; ad-
huc breuius compendium virtutis docuit iste adolescentulus, su-
stinentia abstinuit ipsos vrsos, & pardos. Et quid mirum? ipsæ
illi voluptates, pernicioseores bestiæ, non nocuerunt, omnemq;
voluptatem suam posuit in sustinendo. Hoc qui facit, jam absti-
net à voluptate, à qua Epictetus jubet abstineret. Ut ergo facia-
mus, Christus eiusmodi masculi cordis pueros in medium ad-
ducem.

VI.

Rescri Bar-

tholomeus

Riccius 14

Martij ex hi-

storia, quæ

seruatur in

Actis sacerdoti-

Quæstorum.

Inter quos non tacendus sanctus Christophorus octo anno-
rum pugio, qui in Hispania, apud Guardiam, Ferdinando Rege,
taliam à Mauranis, qualia ferè Christus à Iudeis perpessus, inter-
flagellorum acerbissimos cruciatus, nullam doloris vocem edidit,
nisi sub quinque ultimis ictibus, quòd eo numero illius plagæ
Christi verbera excederent. Porrò fodientem hastâ sibi latus dex-
terum, ad sinistrum transfire iussit, impavidumque cor ipse feri-
enti monstrauit. Igitur quisquis in dolore es,

Si magnam in parvo vim cernere corpore mentem,

Hanc in Christophori, lumina fige, crucem.

Est puer, at dociles; Dominiq; exempla secutus,

Expresit pennis fortia facta suis.

Sustinet à diris, pro Christi nomine, Mauris,

Qualia sustinuit Christus ab Isacidio.

Huic furor impressus criniuit tempora spinis,

Flagrare cant tergum, lancea sanalatum.

Nec

Nec magis ardenti sunt corpora sole perusta,
 Liuida quam Mauris corda furore calent.
Qualia flagra ferens, stygijs emissâ cauernis,
 Pingitur anguineus torua Megera comis:
Talis virâque manu rorantia sanguine lora,
 Christophoro intentat, crista feroxq; cohors.
Ille autem ad validam constrictius fune columnam,
 Dicit, animi ob vires, ipse columna potest.
Terribilis tortor cum brachia tollit in ictum,
 Christophorus mentem tollit ad astra suam.
Carnifex ipsos tot vulnera facta fatigant:
 Stat puer, ac optat, vulnera plura pati.
Purpureus toto prorumpit corpore sanguis,
 Mollibus ex oculis non lachryma villa fluit.
Iamq; tot intulerant, data quot sunt verbera Christo;
 Nec satis est, pergunt addere plura datis.
Qui prius ergo hilari tot verbera pertulit ore,
 Ingemuis, quando quinque suprema tulit.
Hic numerum Christi superabant scilicet ictus,
 Hac imo genuit verbera corde puer.
In cruce cum lateris foderetur regia dextri,
 Cerneret & Martyr cuspide corda peti,
 Retrahe mucronem dextro de vulnere, dixit,
 Lænum, si cor vis tangere, tange latus.
Hic cor habet sedem, sunt hic præcordia vita;
 Hic anima & gemini regna caloris habet.
Sic puer ipse sui monstrat sacraria cordis,
 Qua truculenta feri militis hasta subit.
Nempe ita, qua Christus tulit, omnia, Line, tulisti:
 Vincla, alapas, spinas, spuma, flagella, crucem.
Nunc etiam (at gemino) tibi vulnera corda notantur;
 Hoc discrimin habes, ne videare Deus.

Atque ut Deus hunc Christophorum (quem accolæ inco- VII.
 læque innocentem de Guardia nominant) per vestigia plura Chri-
 sti duceret, sicut inuentus est Christus in Cathedra duodennis, Luc. 24
 ita iste octennis; & sanè multa docens, si multos dociles inueni-

172 Cap. XLII. Adolescentium & puerorum constantia imitanda.

ret. Est enim virilis puer, sicut (prò dolor) quām plurimi sunt viri pueriles; dignus proinde tali elogio.

Hunc, quem Guardia laudat Innocentem,
Qui rhamnūmque, crucēmque, lanceāmque,
Et tam grandia pertulit; puellum,
Inuestis mihi monstrat esse vultus:
Quod si non foret hic, virum putarem.

Puto tamen omnino dignum, quem viri imitentur. Qui si
& hīc humeros contrahant, atque eiusmodi onera alijs Atlanti-
bus relinquant; saltem à pueris ipsis discant virtutem imitandi.

Roman. Mar. Nam in Hispania Iustus & Pastor, sanctissimi fratres, cùm adhuc
tyrol. 8. Idus pueri litteris imbuerentur, projectis in schola tabulis, sponte ad marty-
riūm cucurrerunt, & mox à Daciano Praeside teneri iussi, & fustibus
caſi, cùm se mutuis exhortationibus constantissimè roborarent, extra
ciuitatem producti à carnifice ingulati sunt. Quām multi, tempore
hoc nostro, cùm tympana audiunt, ante mysteria, vt dici solet,
discendunt è scholis, & tabulas projiciunt, non vt Martyres fiant,

9. Cor. 12. 31. sed vt faciant! si vultis æmulari, o juvenes, amulamini chari-
smata meliora: & si pro Republica, pro fide, pro Ecclesia non vul-
tis fortitè occidi, saltem nolite socij esse eorum, qui spoliant &
occidunt, pro patria, pro legibus sacris, pro religione patientes.

VIII.

Alius erat veterum ardor in imitando; qui ipsum Arrium
Antoninum Asie Proconsulem in stuporem magnum adduxit.
Hic enim cùm persequeretur instanter eos, qui fidem Christi sus-
cepissent, accidit aliquando vt cùm in quadam ciuitate de illis
quæstiones haberet, omnes ante tribunal eius se, manu factâ, ob-
tulerint occidendos. Cùm ille, vt Tertullianus ait, paucis duci
jussis, reliquis dixit: O miseri, si cupitis perire, præcipitia, & restes
habetis. Hoc ab hoste testimonium retulerant Christiani prom-
ptiores ad ferendam, quām ille ad inferendam mortem; adeò vt
omnes se ultro sisterent Christo victimandos; hoc nomine non
miseri, sed beati; nec isto modo perire, sed æternūm viuere cupi-
entes: per præcipitia, & restes non suas, sed Tyrannorum, ad
cælum euolaturi. Ita scilicet exempla fortia, quæ videbant, ex-
primebant; non curiosi spectatores, sed generosi imitatores;
qualcs etiam nostri huius saeculi tempestas desiderat, sed planè
deside-

Tertull. ad
Scap. cap. vlt.

Cap. XLIII. Exempla recentia eorum, qui atrociale animo passi. 179

desiderat: vix enim habet imitatores, licet habeat præcessores. Itaque hebes oculus non videt longè præcedentes; aut certè raritas exempli trahitur in excusationem.

CAP V T XLIII.

Recentia exempla cum gaudio passorum.

HORTASSE enim, quibus ista canimus, dicent, ideo, hac tempestate persecutionum, deesse fortium imitatores, quia & antiqua sint in obliuione, & recentia interpretio haberi solita in nimia raritate: itaque mirum non esse, si desint imitatores, ubi desunt duces: aut si hac tempestate pauca contingant illustria, cum etiam exempla desint huius tempestatis. His illud in primis possumus respondere, sufficere veterum exempla sedulò imitatori. Si enim virtus veterum sequimur, quid virtutes veterum meruerunt, ut displiceant, dum laudantur?

I.

Deinde bonus Deus, quemadmodum unicusque diei suum jubet lucere solem; ita omni ævo quasdam accedit faces ad virtutem præluentes. Itaque nec nostræ ætati desunt clarissima exempla eorum, qui rebus aduersis gauisi, cum S. Francisco dixerunt: *Tanta est gloria, quam exspecto, ut omnis mea pœna delebet, omnis morbus, humiliatio omnis, persecutio omnis, mortificatio omnis.* Talia exempla complura non deessent, nisi cauam Arabiam serarent, & tam paucos imitatores reperirent. Non enim hic Alazones nostri, sed alibi assam, quod aiunt, farinam concupiscunt.

II.

S. Ignatius Societatis nostræ auctor, Christi causâ, in vincula compactus, cum ab eo Franciscus Mendosius, postea Burgensis Episcopus, & Ecclesiæ Romanæ Cardinalis, quereret, num dolenter ferret illum carcerem, & vincula? Apostolica fortitudine respondit: *An tantum malum tibi videtur carcer esse? at verò non Petr. Ribad. tam multæ Salmantica compedes sunt, non tot catena, quin ego plures lib. 4. vita S. pro Christo cupiam.* Quare idem etiam interroganti, *Quanam est. Ignatij c. 15. set compendiaria via ad perfectionem?* respondit: *Multa pati pro Christo, idq[ue] assiduè postulare à Deo. Vides verbum, habes exemplum; altero docuit, altero ostendit, quid sit desiderandum, & in quo gaudendum. Nunc ea re tam pauci gaudent, quia pauci desiderant, pauci à Deo postulant.* Potius id longis peregrinatio-

III.

Z 2 nibus,